

BOSNA I HERCEGOVINA  
FEDERACIJA BOSNE I HERCEGOVINE  
Zastupnički dom Parlamenta Federacije BiH

09.03.2021. godine

n/r predsjedavajućem Zastupničkog doma  
n/r zastupnicima Zastupničkog doma Parlamenta F BiH

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 10-03-2021			
Org. Jed.	Broj	Priloga	Vrijednost
01	+ 02-	704	21

Na osnovu člana 153. Poslovnika o radu Zastupničkog doma Parlamenta Federacije BiH predlažem

## ZAKLJUČAK

### I

Zadužuje se Vlada Federacije BiH da dopuni postojeću Uredbu o uslovima, načinu korištenja i nabavci službenih putničkih automobila u organima uprave Federacije Bosne i Hercegovine, ("Službene novine Federacije BiH", br. 09/13) ili donese posebnu Uredbu ili Pravilnik o vizuelnom označavanju službenih vozila u organima uprave u Federaciji BiH.

### II

Službena vozila će biti obilježena uočljivim naljepnicama i jedinstvenom numeracijom. Obilježja neće biti manja od 20cm u prečniku. Nove odredbe u Uredbi ili Pravilniku sadržavat će formulaciju „Obilježavanje službenih putničkih automobila federalnih organa je obavezno, osim za vozila koja koriste štice osobe. Obilježje mora sadržavati sljedeće elemente: Bosna i Hercegovina (sa grbom Bosne i Hercegovine), Federacija Bosne i Hercegovine, naziv organa koji koristi službeni putnički automobil i jedinstveni broj vozila iz Registra službenih vozila. Ostala dodatna obilježavanja navedenih automobila su zabranjena.”

### III

Zadužuje se Vlada Federacije BiH da uspostavi jedinstveni Registar službenih vozila u organima uprave i drugim javnim institucijama i preduzećima u većinskom vlasništvu Vlade Federacije, a koji će sadržavati sve bitne informacije o službenim vozilima, kao što su marka i tip vozila, godina proizvodnje, nabavna cijena, datum nabavke, ugovorni organ, prodavac, pređeni kilometri, boja, vlasništvo i/ili ustupanje na korištenje, itd. Jedinstveni Registar će biti javno dostupan na internet stranici Vlade Federacije ili na zahtjev, shodno odredbama Zakona o slobodnom pristupu informacijama. Uspostavljanje Registra biće sastavni dio nove Uredbe ili Pravilnika iz stava I.

### III

Donošenje akata iz stava I, II i III će biti okončano 30 dana od donošenja ovog Zaključka, a Vlada će izvijestiti Predstavnički dom o realizaciji ovog Zaključka 60 dana od njegovog donošenja.

PARLEMAN FEDERACIJE  
BOSNE I HERCEGOVINE  
SARAJEVO

### Objašnjenje:


Zbog brojnih primjera zloupotrebe službenih vozila u privatne svrhe, zbog niza dokumentiranih dokaza od strane Ureda za reviziju da je vrlo česta praksa da se službena vozila neodgovorno i neracionalno koriste za neposlovne ili neslužbene svrhe, te zbog svima poznate prakse da se službena vozila koriste za predizborne i slične potrebe, zbog nepostojanja jedinstvenog Registra službenih vozila na nivou Federacije BiH, obilježavanje vozila je najbolji način da se spriječi neodgovorno korištenje javne imovine, kao i da građani steknu više povjerenja u korištenje javnih resursa od strane najviših zvaničnika, nosilaca javnih funkcija i rukovodilaca.

Na moju zastupničku Inicijativu od 02.02.2021. koja se odnosi na izradu Pravilnika o vizuelnom označavanju službenih vozila u vlasništvu institucija i organa vlasti u FBiH, te preduzeća u većinskom vlasništvu Vlade Federacije Bosne i Hercegovine, od Vlade Federacije nakon 30 dana **nije dostavljeno očitovanje**. Umjesto toga, od Službe za zajedničke poslove zaprimio sam Informaciju koju dajem u prilogu ovom Zaključku. Rezime Informacije jeste da ova Služba smatra da "ukoliko bi se išlo u pravcu obaveznog obilježavanja službenih putničkih automobila treba istaći da bi se takvim postupanjem mogla ugroziti sigurnost korisnika službenih vozila, a naročito sigurnost šticećenih osoba koje bi koristile tako označena službena vozila u smislu da bi ih se vidnim isticanjem u prijevozu, dovelo u direktnu opasnost od eventualnih napada, namjerno izazvanih saobraćajnih nezgoda i slično."

S obzirom da je broj šticećenih osoba u Federaciji BiH koje koriste službena vozila, a koja su predmet ove inicijative, manji od 20, a da je broj preostalih službenih vozila veći od 1000, smatram da navedeni argument za eventualno odbijanje inicijative od strane Vlade nije opravdan. S obzirom da je tek oko 1% vozila koja koriste šticećene osobe u odnosu na ukupan broj službenih vozila to nipošto ne može biti opravdanje da se sva druga vozila ne obilježe. Odredbe ovog Zaključka uređuju pitanja obilježavanja svih službenih vozila **osim onih vozila koja koriste šticećene osobe**.

Istovremeno, na moje zastupničko pitanje da mi se dostavi evidencija službenih vozila na nivou Federacije BiH, od strane Vlade je taj zahtjev prosljeđen prema 117 organa uprave na nivou Federacije BiH koji onda pojedinačno, meni kao zastupniku, dostavljaju odgovore na zastupničko pitanje. Time je potvrđeno da Vlada nema jedinstveni Registar službenih vozila, što će se urediti provođenjem ovog Zaključka.

dr. sci. Adis Arapović  
Zastupnik u ZDPFBiH



### Prilog:

1. Zastupnička inicijativa od 02.02.2021.
2. Zastupničko pitanje od 05.02.2021.
3. Informacija Službe za zajedničke poslove organa i tijela Federacije BiH